



## Universitätsbibliothek Paderborn

### Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. IV. Quo modo advertentia requiratur ad peccatum.

**urn:nbn:de:hbz:466:1-13718**

posset enim Deus hominem ob solum peccatum veniale eternis suppliciis addicere, ergo per se, seu ex naturâ suâ meretur poenam aeternam, & consequenter est mortale.

X.  
*Declaratur ut  
eiusmodi  
etiam veniale  
comitti  
negaretur, vel  
ad maximam  
bonum fa-  
cendum,  
vel malum  
vitandum,*

Ad argumentum Respondetur nîmum probare: nec enim fas est peccatum aliquod veniale committere, etiam si foret occasio ut alter vitaret quodvis peccatum mortale, & tamen nemo opinor dicit mendacium officiosum esse aquæ malum ac homicidium, blasphemiam, vel sacrilegium, aut etiam aquæ omnibus his simul sumptis. Ratio itaque cur peccatum, etiam leve, admittere non quam licet, est quia est quid intrinsecè malum, quod semper est illicitum; nec enim sunt facienda mala ut eveniant bona: & hinc solum probatur peccatum veniale esse malum alterius rationis ab aliis malis, quæ non sunt peccata. Ad Confirmationem dico: si Deus hoc faceret, non faceret ut iudex & index peccati, sed ut absolutus Dominus, qui secundum absolutam suam potentiam re suâ arbitrii ut libet: sicut etiam faceret si hominem innocentem, ut potest, perpetuis in inferno addicere vellet tormentis.

XI.  
*Peccatum  
veniale  
quamvis  
offendat  
Deum in-  
finitum, non  
tamen est  
mortale.*

Objicies quintò: peccatum veniale infinitam Dei Majestatem offendit, ergo est mortale. Respondet peccatum veniale, quamvis offendat Deum infinitum, eum tamen leviter tantum offendit; sicut enim filius patrem, servus Dominum, subditus Regem leviter offendere potest, ita & creatura creatorum.

XII.  
*Nec mor-  
alia omnia  
inter se, nec  
venialia si-  
bi invicem  
collata, sunt  
aequalis  
gravitatis.*

Hinc infero, non solum omnia omnino peccata non esse aequalia, ut jam contra hereticos ostensum est, cum peccata mortalia & venialia maxime inter se discrepant, ut vidimus; infero inquam comparando etiam mortalium cum mortalibus, alia aliis esse graviora. Idem similiter est de venialibus, si sibi invicem conferantur.

## SECTIO TERTIA.

## Alia quedam circa peccatum mortale &amp; veniale.

I.  
*Peccata ex  
triplici ma-  
ximis capite  
redduntur  
venialia.*

**P**ECCATA venialia ex triplici principi orientur capite, aliqua enim sunt quæ ex naturâ suâ semper sunt levia & venialia, quale est verbum otiosum, mendacium officiosum, & similia: alia defectu deliberativi, licet aliquo materia sit gravis, ut in pravis quibusdam motibus contingit: alia denum sunt, quæ licet ex naturâ & genere suo sint gravia, ob parvitudinem tamen materia redditur levia, ut furtum unius oboli. In hoc vero circa res morales contingit sicut circa Physicas, in quibus aliqua sunt magna mala, aliqua parva, ut magna & parva poena, magni & parvi morbi, & sic de ceteris.

II.  
*Peccatum  
mortale &  
veniale, esto  
sed non dif-  
ferant specie  
physica, seu  
per tamen  
differunt  
specie ma-  
tali.*

Peccatum mortale & veniale licet non differant sepe specie Physicâ, semper tamen differunt specie morali. Primum constat in magno & parvo furto, & similibus. Unde idem actus, etiam internus Physicus potest transire de venialiter in mortaliter malum, ut in materia de actibus humanis dixi de illo qui cum veniali intemperantia comedet carnes die veneris, non advertens prohibitionem, & eam postea advertens pergeret, & eundem voluntatis actum cum actu indeliberato intellectus inchoatum continuaret cum liberato. Secundum etiam constat: sicut enim illa differunt specie Physicâ, quæ magnam habent inter se dissimilitudinem

R.P. Comptoni Thol. Scholast. Tom. I.

Physicam, & effectus valde diversos, ita & specie morali, ut hic contingit; peccatum quippe mortale reddit hominem dignum odio Dei, & penitentiam aeternam, privat etiam gratiam, sive irreparabile est ab intrinseco, cum non relinquit jus ad gratiam, ac proinde ex naturâ suâ constituit in termino, ut de facto contigit Angelis, quibus Deus post primum peccatum nullam dedit gratiam, qua possent resurgere: hæc autem peccato veniali non contingit.

Hinc sequitur, plurima, immo etiam infinita, si datur, venialia non conflatura unum mortale formantur, unde in pluribus furtis parvis ultimum est mortaliter, quia ut connotans priora compleat faciem unum gravem, & causat notabilem damnum, sicut ultimus haustus in ebrietate. Dixi formaliter, dis-

positivè enim causant frequenter peccatum mortale, dicente Spiritu Sancto *Qui parva negligit patet in multis ad majora ruer.* Quo sensu capiendus est Sanctus Augustinus dum ait multa venialia animam perire, sicut multæ aquæ gutta nave in submersione, quod alio modo intelligi nequit, quæm dispositivè cum Concilium Tridentinum absolute de gustini.

venialibus dicat ea esse levia, non tollere gratiam, nec esse materiam confessionis necessariam.

Tandem circa peccatum mortale & veniale dici IV. solet, peccatum mortale esse contra, veniale praeter legem: ita S. Thomas I. 2. q. 88. art. 1. ad pri-  
mum, & alii, Suarez d. 2. de peccatis sect. 5. San-  
chez lib. primo in decalogum cap. 1. num. 1. & 3. & ex Theologis non pauci. Ratio est: vel enim peccatum veniale est actus deliberatus in levi mate-  
riâ, vel indeliberatus in quacumque: si hoc dicatur, non est, inquit, peccatum simpliciter, cum non sit actus humanus & rationalis simpliciter, sed solum secundum quid: si dicatur primum, nec etiam est peccatum & transgressio simpliciter, quia etiam trans-  
quisquis non peccat mortaliter, dicitur simpliciter obseruare legem, & mandata, omnisque iustus cen-  
setur legis servator, qui tamen in peccata venialia sepius cadit in die; unde de Sanctis Zachariâ & Elizabeth dicitur Lucae I. v. 6. Incidentes in man-  
datis Domini sine querela, quos tamen non est du-  
biu[m] subinde peccasse venialiter.

Alii tamen cum Bellarmino volunt peccatum V.  
veniale esse simpliciter contra legem: dici nihil-  
ominus illud præter, non contra legem, quia non tollit charitatem, quæ est finis legis, nam plenitudo legis est dilectio: cum ergo secundum quid solum sit contra hanc, non simpliciter, censetur etiam hoc sensu, non simpliciter, sed solum secundum quid violare legem, nec tam contra quam præter eam. Arbitror in re coincidere utramque sententiam.

## SECTIO QUARTA.

Quo modo advertentia requiratur  
ad peccatum.

DIXIMUS ratione diversæ deliberationis seu L.  
advertentia peccatum veniale transire posse De adver-  
in mortale: nunc ergo videndum quo pacto ad- tentia.  
vertentia ad rationem peccati concurrat, & num II.  
semper requiratur, præfertum cum detur peccatum Ad omne  
inadvertentia.

Dicendum cum P. Vasquez hic d. 107. cap. 3. catum ali-  
Tanner d. 4. q. 5. dub. 5. & communis sententia, quæ requiri-  
ad peccatum omne advertentiam aliquam etiam vertentia.

Rr. actualiter

*Major ad  
peccatum  
mortale re-  
quiritur ad-  
vertentia,  
quam ad  
veniale.*

actualē malitia requiri, saltem per modum sus-  
picōnis aut dubii: & ad mortale quidem ejusmodi  
scilicet debet hēc advertentia, ut sit plena & per-  
fēcta, seu expedita, ac deliberata, ob gravitatem  
scilicet rei, esto veniale peccatum cum minore,  
seu semiplenā advertentiā committi possit, cum co-  
gitatione scilicet quadam imperfēcta, qualis in se-  
midormientibus reperi solet. Hēc verò adver-  
tentia non necessariō est debet malitię formalis  
vel moralis sed solum Physica & objēctiva, seu  
quod objēctum illud sit aliquo modo inconveni-  
ens natura rationali, ut suprā in materia de actibus  
humanis latius est declaratum.

*III.  
Quicquid  
est peccatum,  
debet esse  
volunta-  
tivum.*

*Dari neco-  
sari debet  
advertisen-  
tia, in  
objēcto,  
saltem per  
modum du-  
biī.*

Ratio Conclusionis unica & sufficiens est, quia  
quidquid est peccatum, est debet voluntarium  
sub cā ratione, sub quā est peccatum, sed malitia  
nullo modo cognita nēquit esse voluntaria, ergo  
nec refundere potest malitię moralē in actū.

Dixi requiri cognitionem malitię saltem per  
modum dubii: si enim nullo modo in mentem ve-  
niat, nec ulla suspicio mali, eodem planē modo se  
habet homo illi respectu hujus objēcti, ac si ma-  
lum non esset: certē quidquid sit objēctum in se,  
respectu operantis in hoc casū non est malum. Imō  
nec potest quis se ad considerandam objēcti illius  
malitię applicare, si nulla ei in mentem veniat  
eius suspicio: ut autem actus sit malus, debet quis  
liberē & humano more applicare se posse ad con-  
siderandum illius malitię, quod tamen facere ne-  
quit, nisi aliquod habeat illius principium; hoc  
verò non habet, si nulla planē sit malitia in objēcto  
illo contenta advertentia.

*V.  
Qui nullam  
habet mali-  
suspicionem,  
non potest  
advertere.*

Respondet Lorca & alii, qui contrariam tenent  
sententiam, ad peccatum sufficeret quid quis poterit  
advertere, unde, inquit, si non advertere,  
sibi imputet. Sed contra primō, jam enim ostend-  
sum est, si nullam planē habuerit mali suspicionem,  
non potuisse cum advertere. Contrā secundō, nam

si velint ipsum, quando actū elicit esse voluntariē  
distractum, vel aliam ejusmodi causam posuisse, ut  
advertere tunc malitiā non possit, non erit actus  
ille malus in se, sed solum in causā; & in hoc con-  
sistit peccatum inadvertentiae, quando scilicet ad-  
vertit periculum oblivionis, & nihilominus per-  
git. Deinde dico, hēc non committi peccatum  
line actuali aliquā advertentiā malitię, non quidem  
quando actū exerceat, sed pro aliquo antecedente,  
quod tamen non sufficit, ut hic actus quando exer-  
cetur, sit peccatum.

Plena itaque advertentia requiritur ad pecca-  
tum mortale, licet non semper recordentur homi-  
nes se ejusmodi considerationem habuisse, vel ob  
confutitudinem, ab assertorē enim non sit passio, &  
quando cum magnā facilitate aliquid facimus, non  
adhibendo peculiarem cōnatū, facile postea obli-  
viscimur, vel etiam quia advertentia quamvis deli-  
berata, sicut tamen valde tenuis; aliud namque est  
advertere, aliud adverte se advertere.

Quia etiam sunt causa, cur subinde homines pec-  
cent sine remorsu, vel si eum habuerint, facile il-  
lius obliviscantur: non tam censetur peccatum  
ex malitiā, nisi quando cognitio malitię est valde  
clara, imō & cum quodam erga illam affectu, vel  
etiam cum praecepti aut legislatoris quodam quasi  
contemptu. Et per hēc solvuntur omnia quæ op-  
ponunt adversarii, quos in re puto non aliud à no-  
bis sentire.

Quo modo verò in peccatis dicatur intervenire  
error vel ignorantia seu inadvertentia, juxta com-  
mune illud dictum Philosopherum, *Omnis peccans  
est ignorans*, dixi in materia de Angelis cū de pec-  
cato Angelorum. De ignorantia etiam seu inadverten-  
tia antecedente, concomitante & consequen-  
te, quæ hic similiiter recurrunt, dictum fusē est in  
materia de actibus humanis.

## DISPUTATIO CV.

### *De subjecto peccatorum.*

**S**UBJECTUM Peccatorum est duplex, remotum & proximum: hoc de  
variis animae potentias procedit, de quo agemus Sectione secundā. De  
subjecto verò peccati remoto, quamvis hinc inde occasione data, in diversis  
Theologiae partibus sparsim agi soleat, hinc tamen in gratiam studiorū Lectoris  
varia, quæ ad rem hanc spectant, congeram, ut quisquis hēc videre desiderat,  
isthie ea in unum locum collecta cernat, nec opus ei sit ad illa investiganda diver-  
sas Theologiae materias percurrere.

### SECTIO PRIMA.

#### *De subjecto remoto peccatorum.*

*L  
Paria sub-  
iecta remoto  
peccatorum  
proponit  
S. Thomas.*



ANCTUS Thomas q. 89. art. 3.  
4. 5. & 6. difficultatem circa varia  
hujuscemodi subjecta movet: dif-  
futus verò S. Doctor de subjecto  
tantum peccatorum venialium, ut  
an reperi potuerint in Angelis,  
in homine adhuc in statu innocentia degente, in

infidelibus, & in eo qui originale tantummodo pecca-  
tum haberet. Nos latiori modo rem tractabi-  
mus, nec de venialis tantum, sed mortalis etiam  
peccati subjecto inquiremus.

Prima Conclusio: beati nullius omnino peccati  
nec mortalis nec venialis subjectum esse possunt. *Beati nullius  
peccati sub-  
jectum esse  
possunt.*  
Ratio est: nam visio & amor beatificus, quo  
Deum super omnia diligunt, & ardenter ad  
eum amandum rapiuntur, peccatum nonne, etiam  
minimum excludunt. Deinde Beatoitudo est sta-  
tus perfectissimus, ex bonorum omnium com-  
plexione